



Na osnovu člana 15. Zakona o principima lokalne samouprave u Federaciji BiH ("Službene novine Federacije BiH", broj: 49/06 i 51/09), čl. 25. i 69. Statuta Općine Centar Sarajevo-prečišćen tekst ("Službene novine Kantona Sarajevo" broj: 23/04), Općinski načelnik donosi

Odluku o upravljanju, održavanju i korištenju prostorija Društvenog centra Općine Centar

Član 1.

Ovom Odlukom se utvrđuju uslovi i način upravljanja i korištenja Društvenog centra (u daljnjem tekstu: „Društveni centar“ Općine Centar), sa sjedištem u ulici Muhameda Kantardžića broj 3, u vlasništvu Općine Centar.

Član 2.

Društveni centar, kroz razne aktivnosti, namijenjen je prvenstveno mjesnim zajednicama sa područja Općine Centar Sarajevo, organizacijama civilnog društva, udruženjima građana i svim stanovnicima Općine Centar Sarajevo sa posebnim fokusom na ranjive grupe (mladi, žene, osobe starije dobi i dr.), a pri tom vodeći računa da je atraktivan, inkluzivan i pristupačan za sve stanovnike mjesnih zajednica.

Prostor Društvenog centra se predstavnicima mjesnih zajednica, građanima i organizacijama civilnog društva ustupa na korištenje bez naknade. Izuzetno prostorije Društvenog centra mogu se dati na korištenje i radi organizovanja različitih događaja i manifestacija komercijalnog karaktera, uz naknadu.

Član 3.

Društvenim centrom upravlja predstavnik/menadžer Društvenog centra kojeg odlukom imenuje Općinski načelnik.

Član 4.

Predstavnik/menadžer Društvenog Centra zadužen je za:

- podršku, koordinaciju i provođenje aktivnosti Društvenog centra u saradnji sa JLS, mjesnim zajednicama, organizacijama civilnog društva i građanima.
- upravljanje i koordinaciju aktivnosti Društvenog centra, izradu plana aktivnosti, praćenje pridržavanja plana aktivnosti, poštivanje kućnog reda i sl.
- koordinaciju aktivnosti sa svim ciljanim grupama
- pripremu izvještaja, održavanje prostora, pripreme planova rada i sl.
- komunikaciju i koordinaciju sa JLS, predstavnicima mjesnih zajednica, građanima, međunarodnim organizacijama, organizacijama civilnog društva i ostalim zainteresovanim stranama
- razvijanje mogućnosti za stvaranje lokalnog partnerstva, javno privatnog partnerstva, umrežavanje i sl.
- promociju aktivnosti Društvenog centra i odnose sa javnošću

-vršenje administrativno-tehničkih poslova kojima se osigurava normalno funkcionisanje Društvenog centra.

Član 5.

Društveni centar se koristi po unaprijed dogovorenim terminima i planiranim aktivnostima centra u dogovoru sa predstavnicima/menadžerom istog. Sve aktivnosti se odvijaju u skladu sa programima i aktivnostima koje predlažu mjesne zajednice, građani i organizacije civilnog društva i u dogovoru sa odgovornim osobama Društvenog centra. Mjesne zajednice, nevladine organizacije, neformalna grupa građana, udruženja i druga zainteresovana lica koje žele koristiti prostorije Društvenog centra obavezne su u pisanom obliku podnijeti zahtjev Službi za lokalno-ekonomski razvoj i mjesnu samoupravu.

Član 6.

Radno vrijeme Društvenog centra je od ponedjeljka do petka od 08,00 do 16,00 sati. U izuzetnim slučajevima zbog održavanja aktivnosti i realizacije projekata koje su od značaja za građane Općine Centar Sarajevo, uz pismenu saglasnost nadležne službe, Društveni centar se može koristiti i do 20,00 sati.

Član 7 .

Korisnici prostora dužni su:

- poštovati opća pravila Društvenog centra u smislu održavanja i čuvanja prostorija i inventara,
- evidentirati svoj dolazak i boravak svih osoba u centru u registru namjenjenom za registraciju korisnika,
- nadoknaditi eventualnu štetu napravljenu prilikom korištenja prostorija Društvenog centra,
- poštovati termin korištenja prostorija,
- poštovati brojnost grupe koja koristi termin,
- poštovati nadležnost lica koje je odgovorno za primopredaju sale.

Član 8.

Sva druga prava i obaveza će se regulirati Pravilnikom o korištenju Društvenog centra Općine Centar.

Član 9.

Ova Odluka stupa na snagu danom objavljivanja na oglasnoj ploči Općine Centar.

Izrada: Piljević Selma
Kontrola: Sijarić Haris

OPŠTINSKI NAČELNIK

Srđan Mandić

Broj: 11/B-45-131/23
Sarajevo, 20.02.2023. godine